

أطباء: الصحة تدلس على الرأي العام وتخفي عدد الوفيات الحقيقي بسبب "الحر"



الأربعاء 12 أغسطس 2015 12:08 م

قال الدكتور وسام فوزي - وهو طبيب وناشط بمواقع التواصل - في تدوينة له :

بخصوص ارتفاع درجة الحرارة وحالات الوفيات المعلن عنها الحقيقة الموضوع يتم تناوله بصورة مخزية فيها تدليس غريب علي الرأي العام حتي لو من باب التهذؤ وعدم اثاره ذعر مجتمعي، بس ع الاقل التحذيرات والاجرائات يكون فيها سرعه وحزم اكثر من كده بكثير حالات الوفيات اكثر من المعلن عنها بكثير .. انا شخصيا مات تحت ايدي حاليتين ف الاستقبال "اضطراب وعي وارتفاع حراره اكثر من 40" اهلهم بياكدوا انهم من ساعتين مكش فيهم حاجه .. اشتغلت عليهم اعناش قلبي ومرجعوش وماتوا

السبب مجهول اعمار مختلفه، اوقات مختلفه مش كلها مرتبطه بوقت الظهيره مفيش اي اجراء "محترم" اتاخذ من الوزاره اكثر من نشره توسعيه ازاي تنزل الحراره ! مفيش survey اتعمل ع الحالات ولا اعمارها ولا اتاخذ منها مزارع دم وبصاق ولا في تشريح بعد الوفاة واغلب المستشفيات مفيش فيها حجر صحي لسه بادئين امبارح يعملوا حصر لعدد حالات التردد اعراضها وشدها

والوفيات مستشفيات الحميات بقي دورها بس تنزل الحراره وبعدين تحول الناس لمكان يكملوا فيه الفحوصات اللي مبتعملش ومفيش بروتوكول لاي حاجه

رجاء 1... من الناس :

المشوار اللي ملوش لازمه اجله متفرحش بالحر وفيلينج هوت وفيلينج شورت بلاش "جيم" دلوقت، متفقدش عرق كثير، اشرب سوايل وعصاير فريش علي قد ماتقدر _ بقدر الامكان ابعد عن التجمعات الكثيفه من البني آدمين مكاتب مقفوله، مترو، لحد مايبان للموضوع صاحب _ اي ارتفاع ف الحراره ايدا عاجل في مكانك لحد ماتوصل مستشفى .. التاخير بيأذي الميه ثم الميه ثم الميه "احسن خافض حراره" .. دش ساقع، حتي لو خرطوم ميه، كمادات، ازايز ميه ساقعه تحت ذراع وبين رجل المريض، لفه ف ملايه مبلوله، افتح مراوح وخف هدمه وعلي قد ماتقدر بلاش "ثلج" مباشر عشان نتيجه عكسيه بيمنع فقد حراره بسهولة _ لاحظ علامات اضطراب الوعي الشديد ، تخشيبه الجسم، تشنجات، طفح جلدي علي المستشفى عطلول

رجاء 2... من الصحه :

انجزوا احمونا واحموا الناس بتعامل مع كم غير طبيعي من حالات مجهوله السبب فيها ارتفاع حراره المتهم الاول فيها هي "اجهاد حراري" ! بدون امكانيات بدون فحوصات محترمه حالات وفاه سريعه في خلال ساعتين من ارتفاع الحراره ! ممكن يكون الموضوع بسيط وممكن لا ومش كل سخونيه تخوف في ضربه شمس وبرد عادي احنا بنتكلم عن حراره عاليه قرب ال 40 + مش بتنزل بخوافض حراره عاديه + معها مشاكل في وعي الشخص لكن لحد ما بيان الناس تاخذ بالها وخلص ربنا يسلمكم

فيما قالت الدكتورة رحاب سيد - اخصائية الامراض المعدية بمستشفى حميات العباسية - في تدوينة أخرى:

أرجوكم في مأساة الأيام دي الجو حر جدا كبار السن وصغار السن فئة عمرية مهمة بيقعدها لوحدهم كثير بصعوبة لما يعرفو يشتكوا ارجوكم الناس دي تقعد في مكان جيد التهوية شرب ماء بارد على الاقل 2 لتر للكبار ولتر ماء للصغار والرضع ممنوع لبس ملابس اكثر من طبقة الملابس قطنية .. رجاء الحرارة الايام دي عالية وبترفع درجة حرارة الجسم نلحق نتدخل في الدرجة الأولى منها لو ارتفعت درجة الحرارة فوق ال 39 صعب نزلوها والاصعب لو فوق 41... اتتو عارفين damage of heat

regulatory center زملائي الافاضل... دة مش مرض معدي... ارجوكم الي في مستشفى حكومي او خاص ينشر الموضوع دة... علاج الامر دة في البداية سهل جدا... تعريض المريض للماء الجاري... مافيش يبقى ملاية تتبل ويتلف بيها بعد تخفيف ملابسة... القصة سهلة جدا... كل المستشفيات بترفض الحالات دي... وتحولها الحميات... المشكلة في ان درجة الحرارة تتصاعد في ربع ساعة او اقل... بيتنقل المريض في اسعاف عربية مغلقة وسخنة... عبال ما تيجي الاسعاف وتعدّي الاسعاف في الزحمة بيجيلنا 42 والله والله اتوفي بس الصبح عشر حالات... على باب الاستقبال... من احيائها فكأنما أحيى الناس جميعا الوقاية مية وغرفة متهوية ولبس قطني خفيف ولو بولدر ارتفاع اكب مية على الجسم... علاج متاح في كل مكان... دش او بانيو مائة باردة... مافيش .. يبقى ملاية مبلولة ويتلف بيها العيان... وكان وزير الصحة قد أكد عدم وجود أي شئ خطير مطالباً الناس بعدم الالتفات لمن يتحدث عن وجود وباء في مصر